

গণপ্রজাতন্ত্রী বাংলাদেশ সরকার
অর্থ মন্ত্রণালয়
অর্থনৈতিক সম্পর্ক বিভাগ
এডিবি অনুবিভাগ
শের-ই-বাংলা নগর, ঢাকা
www.erd.gov.bd

প্রেস বিজ্ঞপ্তি

আজ ০২ জানুয়ারি ২০২৪ তারিখ বাংলাদেশ সরকার ও এশীয় উন্নয়ন ব্যাংক (এডিবি)-এর মধ্যে 'Dhaka Power System Expansion and Strengthening Project' বাস্তবায়নের লক্ষ্যে ১৬০ (একশত ষাট) মিলিয়ন মার্কিন ডলার ঋণচুক্তি ও প্রকল্পচুক্তি ঢাকায় স্বাক্ষরিত হয়। বাংলাদেশ সরকারের পক্ষে মোঃ শাহরিয়ার কাদের ছিদ্দিকী, সচিব, অর্থনৈতিক সম্পর্ক বিভাগ, অর্থ মন্ত্রণালয় এবং এডিবি'র পক্ষে Mr. Jiangbo Ning, ডেপুটি কান্ট্রি ডিরেক্টর, বাংলাদেশ আবাসিক মিশন, এডিবি উভয় চুক্তিতে স্বাক্ষর করেন। এ সময় বাংলাদেশ সরকার ও এডিবি'র আবাসিক মিশনের উর্ধ্বতন কর্মকর্তাগণ উপস্থিত ছিলেন।

প্রকল্পটি বিদ্যুৎ বিভাগের আওতায় ঢাকা পাওয়ার সাপ্লাই কোম্পানি লিঃ (ডেসকো) কর্তৃক বাস্তবায়িত হবে। আলোচ্য প্রকল্পের উদ্দেশ্য গ্রাহকদের টেকসই ও নির্ভরযোগ্য বিদ্যুৎ সরবরাহের জন্য বিদ্যুৎ বিতরণ সক্ষমতা বৃদ্ধি করা। এ প্রকল্পের বাস্তবায়নকাল ০১ এপ্রিল ২০২২ হতে ৩১ মার্চ ২০২৬ পর্যন্ত।

এডিবি'র OCR (Regular) ঋণ ০৫ বছরের গ্রেস পিরিয়ডসহ মোট ২৫ বছরে পরিশোধযোগ্য। ঋণের সুদের হার SOFR (Secured Overnight Financing Rate) +0.50% ও ম্যাচুরিটি প্রিমিয়াম ০.১০%। এছাড়া অছাড়কৃত ঋণের ওপর ০.১৫% হারে কমিটমেন্ট চার্জ প্রদান করতে হবে।

এডিবি বাংলাদেশের অন্যতম প্রধান উন্নয়ন সহযোগী। বাংলাদেশ ১৯৭৩ সালে সদস্যলাভের পর হতে এডিবি থেকে এর অর্থনীতির অগ্রাধিকারভুক্ত বিভিন্ন খাতসমূহে ধারাবাহিকভাবে আর্থিক সহায়তা পেয়ে আসছে। এডিবি এ যাবৎ বাংলাদেশ সরকারকে ৩১৪৭৬.৪৭ মিলিয়ন মার্কিন ডলারের ঋণ সহায়তা ও ৫৭১.২ মিলিয়ন মার্কিন ডলারের অনুদান সহায়তা প্রদান করেছে। বাংলাদেশে উন্নয়ন সহায়তার ক্ষেত্রে এডিবি সাধারণত বিদ্যুৎ, জ্বালানি, পরিবহন, শিক্ষা, স্থানীয় সরকার, কৃষি, পানিসম্পদ ও সুশাসন-কে প্রাধান্য দেয়।


2/1/2024

শাহী আয়েয়ান রেজওয়ান
উপসচিব
অর্থনৈতিক সম্পর্ক বিভাগ
অর্থ মন্ত্রণালয়
গণপ্রজাতন্ত্রী বাংলাদেশ সরকার